



MHUBIRI

WA

IN JILI

SHUKRANI

Namshukuru Yesu kwa kuniwezesha kutoa toleo hili la kwanza la kitabu cha **MHUBIRI WA INJILI** kwa walioitwa na Yesu kuwa wahubiri. Awanurukishie akili zao zipate uelewa au ufahamu juu ya kusudi lake ktk maisha yao. Asante Baba wa Yesu na Yesu pia. Amen.

**MHUBIRIWA KIMATAIFA MINISTRY, FIRST EDITION
2024**

ISBN: 1986 - 08 - 08 - 01

Haki zote zimehifadhiwa. Kitabu hiki hakiruhusiwi ku-nakili, kutafsiri au kuchapishwa kwa njia yoyote bila ru-husa ya Mhubiri wa Kimataifa ministry au Mhubiri wa Kimataifa Lameck Lister. Nakuu zote zimetoka ktk bib-lia (Maandiko matakatifu in Swahili Union Version)

MHUBIRI WA KIMATAIFA MINISTRY.

ADDRESS: S.L.P 9332, DAR ES SALAAM

TANZANIA (EFATHA)

MOBILE: +255658601034

EMAIL: listlameck5@gmail.com

MHUBIRI WA INJILI

- 1.Mhubiri wa Injili?.....
2. Kusudi la huduma
3. Maombi.....
4. Wokovu.....
- 5.Ubatizo
6. Malaika.....
7. Sauti Ya Roho mtakatifu moyoni.....
8. Karama
- 9.Mhubiri wa Injili.....
- 10.Mke.....
- 11.Kuokoka.....
12. Mwisho.....

1. MHUBIRI WA INJILI

Mhubiri wa injili ni mtumishi wa yesu mwenye huduma ya kanisa ya kuwahubiri injili ya yesu wenye dhambi wapate kuokoka kwa kuliitia jina la Yesu.

Huduma hii ipo kwa ajili ya kulizidisha kanisa yaani watu waliokoka wanapokusanyika pamoja. Kuhubiri injili ni moja-wapo ya kazi ya mungu aliyoifanya Yesu alipotumwa na Mungu au Baba yake duniani na ilitabiriwa na manabii na mpaka leo anafanya Yesu kupitia watumishi wake aliowatuma kama mitume, manabii na wahubiri; kanisa kwa agizo la Yesu kupitia mitume.

Luka 4.18

“Roho wa Bwana yu juu yangu, Kwa maana amenitia mafuta kuwahubiri maskini habari njema. Amenituma kuwatangazia wafungwa kufunguliwa kwao, Na vipofu kupata kuona tena, Kuwaacha huru waliosetwa, “

Mathayo 4.17

Tokea wakati huo Yesu alianza kuhubiri, na kusema, Tubuni; kwa maana ufalme wa mbinguni umekaribia.

Marko 16.15 “Akawaambia, Enendeni ulimwenguni mwote, mkaihubiri Injili kwa kila kiumbe. “

Mhubiri wa Injili umepewa neema na Yesu iwezayo kuokoa watu wa taifa na nchi yako wenye dhambi na wakaokoka na kumfuata Yesu na kuachana na maisha ya dhambi kabisa. Unaweza kwenda mji-hadi mji, kijiji hadi kijiji cha nchi yako kutamfuta mwanadamu ali-yepotea ktk dhambi amrudie mungu apate kupatinishwa na Yesu si wewe peke yako bali pamoja na Yesu.

2.KUSUDI LA HUDUMA

Kusudi la huduma ya Mhubiri wa Injili ni kuwahubiri injili watu wa taifa wenye dhambi wapate **kutubu** na kubatizwa ubatizo wa toba liletalo ondoleo la dhambi kwa jina la Yesu na kuacha maisha ya dhambi. mfano ulevi, rushwa , zinaa ,anasa na kutokuamini. Kisha kuokoka kwa kujazwa Roho mtakatifu baadaye na mitume kwa kuwekewa mikono. Au kwa leo watumishi wa Yesu wenye neema ya kukaa na kanisa wana neema kama mitume ya kuwakea mikono waliotubu na kubatizwa kwa jina la Bwana la Yesu au kama ile Ya Yohana Mbatizaji mjumbe alipombatiza Yesu Roho mtakatifu alishuka bila Yesu kuwekewa mkono na Yohana Mbatizaji apokee Roho Mtatifu.

Rumi 24.:47

“na kwamba mataifa yote watahubiriwa kwa jina lake habari ya **toba** na **ondoleo la dhambi**, kuanza tangu Yerusalemu. “

Yesu akikupa huduma utasimama mbele ya taifa na kulishuhudia jina lake au kuhubiri injili wapo watakaoipokea wewe utashikamana na wale watakao ipokea injili ndio Mungu aliotaka kumpa Yesu kupitia injili yake.

Huna nafasi ya kusema na kanisa kwa sababu ya kusudi la huduma ya mhubiri wa Injili ni kupata watu wataotubu na kubatizwa kwa jina la Bwana Yesu Kisha kuokoka kwa kujazwa Roho mtakatifu kanisa ni wenye haki mbele za Yesu ni waliookoka.

Mathayo 9.13

“Lakini nendeni, mkajifunze maana yake maneno haya, Nataka rehma, wala si sadaka; kwa maana sikuja kuwaita wenye **haki**, bali wenye **dhambi**. “

Ukiwa unamtumkia mungu na unataka kufahamu huduma iliyo ndani yako pengine karama za mungu unazifahamu funga na kuomba ili mungu akupashe habari na uchochea karama ulizopewa.

3. MAOMBI

Maombi unayotakiwa kuwa nayo mtumishi wa Yesu uliyepewa huduma ya mhubiri wa Injili siku zote za wokovu wako na kadri Roho mtakatifu atakavyokuongoza ktk kweli ili upate kupelekwa na Yesu au na huyo Roho mtakatifu ni:

- Kuowaombea watu wa taifa watubu na kubatizwa kwa jina la Yesu kisha waokoke kwa kujazwa roho mtakatifu kanisani ktk nchi yako maana hayo ndiyo mapenzi ya mungu yaliyotimia mbinguni yanayotakiwa kutumia duniani sawa sala aliyowafundisha mitume walipomwomba Yesu awafundishe kusali. **Math 6 :10**
- Kuomba uokolewe na wataabishao na wasioamini ktk nchi yako .
- Kuwaombea wale watubuo na kubatizwa kwa jina la Yesu kisha Kuokoka wadumu ktk imani ya Yesu na kuzaa matunda. Kanisa lolote la waliokoka watakapoenda kumwabudu Yesu na kuishi na wenzao ktk wokovu kwa amani.
- Kuomba Yesu akutumie kuokoa watumishi wa mungu kama wewe wenye huduma kubwa za kanisa kama mitume, manabii, wainjilisti, mwalimu, wachungaji na wengineo kama watenda miujiza, waponyaji, viongozi, waimbaji, wahubiri, waombaji, Matajiri wachangia injili ya Mungu, wabarikiwa n.k
- Kuombea maisha yako yawe na ushuhuda kwa mungu na kwa watu , matakatifu na yenye usafi wa roho na mwili. Uletwao na hekima kama matokeo ya kuyapokea mema moyoni yatokayo kwa Yesu. Wokovu wako unatakiwa kutenda amri za mungu, kuhubiri, kumcha mungu ,kuishi maisha ya toba na kutenda mema kama Yohana mbatizaji alivyowafundisha watubuo **luk 3 : 10—14**
- Kuomba Yesu ainue huduma yako mpaka kufikia kuwa na uwezo Yesu kukutumia kwa mikutano ya injili kwa watu wa taifa.

4. WOKOVU

Wokovu wa mhubiri wa Injili lazima ushike na kutenda mambo yafuatayo yaliyoayomo ktk biblia takatifu:=>

- Amri za Mungu na Yesu

Kushika na kuzitenda amri za mungu na Yesu ni lazima ukivunja usipotubu laana iko inakuatilia au fimbo ya Yesu kwa u mtoto mbele za Baba yake Yesu.

- Kumhubiria mwenye dhambi aoko

Kuhubiri kwako ni kazi mbali na kuwa huduma kumbuka Mungu aliwaambia waisraeli wafanye kazi siku sita na ya saba ni ya Bwana ni sabato wasifanye kazi. Kuhubiri kama kazi unatakiwa kutimiliza huduma yako ktk siku sita na ya saba ni ya Bwana Yesu.

- Mche Mungu

Kumcha mungu ni kuchukua uovu kama kiburi , majivuno na njia mbovu au mbaya .Huko kunatunza upako ulio juu yako.

- Maisha ya Toba

Ukimkosea mungu mfano kuvunja amri zake labda hujashika sabato kimbilia toba. Tubu kosa lako na usilirudie.

- Kutenda mema anzia kanisa

Uwe mwema kwa watu wa kanisani kwako akopaye kwako mfadhili msimpe kisogo uwe mkweli kama huna mwambie sina .

- Yale mema unayowahubiri nawe uyatendee kazi.

Hayo mambo ya muhimu ktk wokovu wa mhubiri wa Injili ambayo ukiyashika na kuyatenda mungu anakupenda. Ukimwomba lolote lililo sawa na mapenzi yake anakupa kufumba na kufumbua kwa kuwa unayashika ya kwake na kuyatenda.

5.UBATIZO

Mtu uliyeokoka ukiwa umepewa na Yesu **huduma ya mhubiri** wa Injili ni vizuri ukimfuata Yesu na mhubiri wa Injili Filipo aliye kuwa na huduma moja tu mhubiri wa Injili ya kanisa

Kwa habari ya ubatizo wa maji mhubiri wa Injili Filipo kwa watu wa taifa Yeye alitumiwa na Yesu kubatiza wale watubuo kwa maji bali hawajazwa roho mtakatifu bali walipokea Roho mtakatifu kwa kuwekewa mikono na mitume.

1 Matendo 8: 14-16

8.14 Na mitume waliokuwako Yerusalemu, waliposikia ya kwamba Samaria imelikubali neno la Mungu, wakawapelekea Petro na Yohana;

8.15 ambao waliposhuka, **wakawaombea wampokee Roho Mtakatifu;**

8.16 kwa maana bado hajawashukia hata mmoja wao, ila **wamebatizwa** tu kwa jina lake Bwana Yesu.

Matendo 8: 36— 39

8.36 Wakawa wakiendelea njiani, wakafika mahali penye maji; yule towashi akasema, Tazama, maji haya; ni nini kinachonizuia **nisibatizwe?**

8.37 Filipo akasema, Ukiamini kwa moyo wako wote, inawezekana. Akajibu, akanena, Naamini ya kwamba Yesu Kristo ndiye Mwana wa Mungu.]

8.38 Akaamuru lile gari lisimame; wakatelemka wote wawili majini, **Filipo** na yule towashi; naye **akambatiza.**

8.39 Kisha, walipopanda kutoka majini, Roho wa Bwana akamnyakua Filipo, yule towashi asimwone tena; basi alikwenda zake akifurahi.

6. MALAIKA

Matendo 8: 25— 27

8.25 Nao walipokwisha kushuhudia na kulihubiri neno la Bwana wakarudi Yerusalemu, wakaihubiri Injili katika vijiji vingi vya Wasamaria.

8.26 **Malaika** wa Bwana akasema na **Filipo**, akamwambia, Ondoka ukaende upande wa kusini hata njia ile itelemkayo kutoka Yerusalemu kwenda Gaza; nayo ni jangwa.

8.27 Naye akaondoka, akaenda; mara akamwona mtu wa Kushi, towashi, mwenye mamlaka chini ya Kandake malkia wa Kushi, aliyewekwa juu ya hazina yake yote; naye alikuwa amekwenda Yerusalemu kuabudu,

Matendo 21:8—9

“Asubuhi yake tukaondoka, tukafika Kaisaria, tukaingia nyumbani mwa **Filipo, mhubiri wa Injili**, aliyekuwa mmoja wa wale saba, tukaaka kwake.

Mtu huyu alikuwa na binti wanne, mabikira, waliokuwa wakitabiri.”

Filipo, mhubiri wa injili alitenda kazi ya kuhubiri injili na malaika kama inavyoelezwa ktk mistari ya maandiko hapo juu.

Ukipewa Huduma ya mhubiri wa injili na Yesu tarajia kutenda kazi ya kuwahubiria watu wa taifa wenye dhambi na nje ya taifa mara chache kwa mtu mmoja amwabuduye Mungu kwa kuongozwa na malaika. Malaika watakuongoza kwa mtu wa kumpelekea injili ya Yesu.

Tuliandikiwa kuhusu filipo hakutenda kazi kuhubiri injili nje ya Israeli isipokuwa alimhubiri towashi wa kushi Peke Yake ndiye hakuwa muisraeli alikuwa mkushi yaani Methiopia. Ukiwa huduma hiyo na Yesu fungu lako ni watu wa Taifa lako ndio wa kuwahubiria.

7. SAUTI YA ROHO MTAKATIFU

Matendo 8: 29—35

8.29 **Roho** akamwambia **Filipo**, Sogea karibu na gari hili, ukashikamane nalo.

8.30 Basi Filipino akaenda mbio, akamsikia anasoma chuo cha nabii Isaya; akanena, Je! Yamekuelea haya unayosoma?

8.31 Akasema, Nitawezaje kuelewa, mtu asiponiongoza? Akamsihi Filipino apande na kuketi pamoja naye.

8.32 Na fungu la Maandiko alilokuwa akilisoma ni hili, Aliongozwa kwenda machinjoni kama kondoo, Na kama vile mwana-kondoo alivyo kimya mbele yake amkataye manyoya, Vivyo hivyo yeye naye hafunui kinywa chake.

8.33 Katika kujidhili kwake hukumu yake iliondolewa. Ni nani atakayeeleza kizazi chake? Kwa maana uzima wake umeondolewa katika nchi.

8.34 Yule towashi akamjibu Filipino, akasema, Nakuomba, nabii huyu; asema maneno haya kwa habari ya nani; ni habari zake mwenyewe au za mtu mwingine?

8.35 **Filipo** akafunua kinywa chake, naye, akianza kwa andiko lilo hilo, **akamhubiri habari njema za Yesu**.

Mhubiri wa injili Filipino mbali na malaika kutenda kazi naye na Roho Mtakatifu alikuwa akimuongoza kwenda kwa watu wa kuwahubiria Mhubiri wa Injili Filipino ktk matendo 8:29 ukisoma utaelewa alikuwa akisikia sauti ya Roho Mtakatifu hivyo ukiwa umepewa na Yesu huduma kama ya filipo tarajia kusikia sauti ya Roho mtakatifu ukikuongoza kwa watu wa kuwahubiria injili awatakao Mungu yaani Baba yake Yesu.

Ukimfuata Yesu na Filipino Utaongozwa na Sauti Ya Roho na Malaika

8. KARAMA

Karama apewazo mhubiri wa Injili a ni kama zile alizopewa mhubiri Mhubiri wa injili Filipino ktk biblia unaweza kuwasoma na kuwatafakari nazo ni: 1)Hekima 2)Miujiza 3)Uponyaji

Lakina Yesu Mhubiri wa injili Filipino alikuwa na **amri ya kutoa pepo** au **mamlaka ya kutoa pepo** ipo juu kuliko wengine.

Hayo yote Yesu humkirimia mtumishi wake aliyempa huduma ya mhubiri wa Injili apate kumtumia kuwahubiri injili watu wa taifa kwa hekima , kuwatendea miujiza na kuwaondolea laana ya magonjwa waokokao kwa kuwaponya magonjwa yao. Na kuwatoa pepo na nguvu za giza zilizokuwa zinawamiliki kabla ya kutubu, kubatizwa kisha kujazwa roho mtakatifu kanisani na watumishi wa Yesu wengine ndio kuokoka..

Kumwomba Roho mtakatifu akundishe namna ya kuzitumia kila unapokwenda kuhubiri ni muhimu maana kupitia hizo Mungu hujidhihirisha watu wa taifa ,wenye dhambi na jina la Yesu hutukuzwa mbinguni.

Matendo 6:3,5 Basi ndugu, chagueni watu saba miongoni mwenu, walioshuhudiwa kuwa wema, wenye kujawa na Roho, na **hekima**, ili tuwaweke juu ya jambo hili; Neno hili likapendeza machoni pa mkutano wote; wakamchagua Stefano, mtu aliyejaa imani na Roho Mtakatifu, na **Filipo**, na Prokoro, na Nikanori, na Timoni, na Parmena, na Nikolao mwongofu wa Antiokia;

Matendo 8:7 Kwa maana **pepo wachafu wakawatoka** wengi waliopagawa nao, wakilia kwa sauti kuu; na watu wengi waliopooza, na viwete, **wakaponywa**.

Matendo 8.13

Na yeye Simoni mwenyewe aliamini akabatizwa, akashikamana na Filipino; akashangaa alipoziona ishara na **miujiza** mikubwa inayoten-

9. MHUBIRI WA INJILI

Ktk biblia mtumishi wa Yesu mwenye huduma ya **Mhubiri wa Injili**:=>

Ni **mhubiri, wa Injili Filipino** alikuwa na huduma ya kanisa moja ya **mhubiri wa Injili**

Matendo 21:8—9

“Asubuhi yake tukaondoka, tukafika Kaisaria, tukaingia nyumbani mwa **Filipo, mhubiri wa Injili**, aliyekuwa mmoja wa wale saba, tuka-kaa kwake. Mtu huyu alikuwa na binti wanne, mabikira, waliokuwa wakitabiri.”

Ukipewa na Yesu huduma moja na Yesu ya mhubiri wa Injili ufahamu utakwenda mji hadi mji ,vijiji hadi vijiji kuhubiri injili kwa wenye dhambi watu wa taifa waokoke maana yake watoke kutoka ktk maisha ya dhambi Yesu atakutumia kuwaokoa nakukupeleka au Roho mtakatifu atakupeleka kuhubiri Yesu .

Unayetakiwa kumfuate ni Yesu na Filipino kama una huduma moja ya mhubiri wa Injili.

Matendo 6:1—6 “6.1 Hata siku zile wanafunzi walipokuwa wakiongezeka hesabu yao, palikuwa na **manung'uniko** ya Wayahudi wa Kiyunani juu ya Waebrania kwa sababu wajane wao **walisahauliwa** katika huduma ya kila siku. 6.3 Basi ndugu, chagueni watu saba miongoni mwenu, walioshuhudiwa kuwa **wema**, wenye kujawa na Roho, na **hekima**, ili tuwaweke juu ya jambo hili; 6.5 Neno hili likapendeza machoni pa mkutano wote; wakamchagua Stefano, mtu aliyejaa imani na Roho Mtakatifu, na **Filipo**, na Prokoro, na Nikanori, na Timoni, na Parmena, na Nikolao mwongofu wa Antiokia; 6.6 ambao wakawaweka mbele ya mitume, na walipokwisha kuomba wakaweka mikono yao juu yao. “

Mhubiri wa Injili Filipino alitumiwa kutatua manung'uniko yaliyojitokeza kwa sababu alikuwa mwenye hekima. Yesu akikupa huduma kama filipo hutatumia hekima yako ktk kuhubiri utaitwa hata **kutatua migogoro ya kanisa.**

10. MKE

Kwa habari ya mke ukimfuata **Yesu** na **Filipo mhubiri wa Injili** kuoia kwa mtumishi wa Yesu aliyepewa na huduma ya mhubiri wa injili ni Lazima . Unatakiwa kufuata mafundisho ya Yesu kuhusu mke ukawe naye Mmoja sikuzote za maisha na kupokea baraka ya mungu ya watoto kama mungu alivyowabariki Adamu na mkewe hapo mwanzo wa uumbaji wakamzaa Habili na Kaini.

Hali kadhalika mungu alibariki Mhubiri wa injili Filipo alikuwa na mke na watoto mabinti wanne Mabikira watabiri.

Matendo 21:8—9

“Asubuhi yake tukaondoka, tukafika Kaisaria, tukaingia nyumbani mwa **Filipo, mhubiri wa Injili**, aliyekuwa mmoja wa wale saba, tukakaa kwake.

Mtu huyu alikuwa na binti wanne, mabikira, waliokuwa wakitabiri.”

Mwanzo 1:27—28

“Mungu akaumba mtu kwa mfano wake, kwa mfano wa Mungu alimwumba, mwanamume na mwanamke aliwaumba.

Mungu akawabarikia, Mungu akawaambia, Zaeni, mkaongezeke, mkaijaze nchi, na kuitiisha; mkatawale samaki wa baharini, na ndege wa angani, na kila kiumbe chenye uhai kiendacho juu ya nchi.
“

Mwanzo 4:1 –2

Adamu akamjua Hawa mkewe; naye akapata mimba, akamzaa Kaini, akasema, Nimepata mtoto mwanamume kwa Bwana.

Akaongeza akamzaa ndugu yake, Habili. Habili alikuwa mchungwa kondoo, na Kaini alikuwa mkulima ardhi.

15. KUOKOKA

Kama hujaokoka ewe mtu wa kimataifa na unataka kuokoka kiri maneno yafuatayo kwa kinywa chako kwa Imani Sema,

"Bwana yesu ninakuja kwako mimi ni mwenye dhambi natubu naamini ya kwamba ulisulubiwa kwa ajili ya dhambi zangu na laana zake damu yako ilimwagika nipate ondoleo la dhambi na kupatanishwa na baba yako na ulipigwa nipate ondolewa dhambi zangu, nisamehe dhambi zangu na uniondolee bila kusahau laana zake na ulifufuka nipewe maisha mapya huru mbali na dhambi na laana zake yaani maisha ya haki na baraka Yesu ingia ktk maisha yangu na ufalme wa mungu pamoja na roho mtakatifu unipe maisha hayo ya haki yako na baraka zake pia. Andika jina langu mbinguni nijaze furaha yako ya kunisamehe na kuniondolea dhambi na laana yake na kufanyika mwana mbinguni na kupewa sehemu ya urithi wako wa kutembea na nguvu na mamlaka ya mungu wako ya kuzivunja na kuziharibu kazi za shetani ikiwepo mapepo, magonjwa n.k. Asante yesu kwa kuniokoa , kwa roho mtakatifu, kwa neema yako, kwa karama au vipawa vyako, mamlaka yako, ufalme wako na nuru yako maana umeyafanya maisha yangu kuwa na uzima wako ... Amen"

Sasa umeokoka tafuta kanisa au huduma ya waliokoka na ushirikiane nao ili upate kukua hata kufikia ufahamu wa cheo cha kristo yaliyo ktk nchi yako au bara lako lakini kama upo Tanzania karibu efatha church yapo makanisa au huduma zingine za waliokoka au Ben Hinny ministry kama upo Marekani ; Paula white ministry n.k Yesu akuongoze kwa Roho wake mtakatifu kukupeleka ktk kanisa au huduma ya waliokoka ambayo utakuwa kufikia ufahamu wa cheo cha kristo ili Yesu akutumie sawa na kusudi lake la kukuokoa.

16. MWISHO

Kitabu cha kuokoka kwa **mtu wa kimataifa** kipo kukupa ufahamu wa yesu uliyempokea alichokutendea yeye na Baba yake wa mbinguni mpende kwa kulitii neno lake mfano **mafundisho yake** na **nabii zake** .

Ukitaka kuwasiliana na Mtumishi ya Yesu Mhubiri wa kimataifa
Lameck Lister :

Tovuti: www.mhubiriwakimaifa.org

Baruapepe: listlameck5@gmail.com

Simu: +2550658601034 or 0658601034

Sanduku la Barua: Efatha Church: P.o Box 9332

MWENGE— DAR-ES-SALAAM TANZANIA



Mhubiri wa kimataifa Lameck Lister niliokoka mwaka 2003 kwa kuongozwa sala ya kuokoka na Paul Roberty nilipokuwa kidato cha Tatu Kibaha Sekondari nikiwa na umri wa miaka 17 ndipo nilipoupokea ufalme wa mungu.

Mafundisho ya kukulia wokovu na Ubatizo wa maji mengi

Mafundisho ya kukulia wokovu na ubatizo niliyapata ktk kanisa la Efatha mwaka 2003-2006. Yanahusu maisha mapya ya mtu aliyeokoka anavyotakiwa kuishi na ubatizo wa kristo. Ndani ya hayo mafundisho yanazungumzia maisha ya toba. tofauti ya maisha kabla hujaokoka na baada ya kuokoka na kile Yesu na baba yake amefanya ndani ya mtu aliyeokoka.

Mafundisho ya Roho mtakatifu

Mafundisho ya roho mtakatifu niliyapata mwaka 2007 ktk kanisa la Efatha - Mwenge DSM Tanzania. Na kuwekewa mkono na Mtume na Nabii Josephat . E. Mwingira mkuu na mwanzilishi wa kanisa la Efatha ili kujaa roho mtakatifu kwa upya na vipawa au karama kama ilivyo neema ya Mitume itokayo kwa Yesu kristo.

Utumishi wa mungu

Baada ya kumaliza mafundisho yote nimepewa cheti cha utumishi wa mungu cha ufahamu wa cheo cha kristo. Natambulikana ndani ya kanisa la Efatha kama Mtumishishi wa mungu mbele baba yake Yesu na Yesu kama mhubiri wa kimataifa. Ukitaka kuona cheti cha utumishi wa mungu nilichopata Ktk Kanisa la Efatha

Website: www.mhubiriwakimataifa.com

Email: listlameck5@gmail.com

Mobile: +255658601034 ; 0658601034